




Ս. ՄԵՍՐՈՊ ՄԱՇՏՈՑ

ԱՊԱՇԽԱՐՈՒԹԵԱՆ ՇԱՐԱԿԱՆՆԵՐ

1. Հա՛յր բազումողորմ, խոստովանիմ առ
Քեզ

Որպէս զանառակ որդին.

Թո՛ղ ինձ ըզմեղս իմ և ողորմես:

2. Տէ՛ր որ գըթացար ի կինըն Քանանացի,
Գըթա՛ւ և յիս ի մեղաւորս, և ողորմես:
3. Տէ՛ր, որ դարձուցեր ըզմաքսաւորն
Ի գիտութիւն ճըշմարտութեան.
Դարձո՛ւ և զիս ըզմոլորեալս. և ողորմես:

*
* *

1. Զըղջըման իմոյ զարտասուս արկանեմ
Առաջի քո Քրիստոս. թո՛ղ ինձ ըզմեղս իմ
Որպէս երբեմն ըզպոռնըկին.
Որ միայնդ ես բազմագութս:
2. Անկանիմ առաջի քո Քրիստոս
Որ հովիտ ես բանաւոր հօտի.
Խնդրեա՛ւ և զիս ըզմոլորեալս.
Որ միայնդ ես բազմագութս:
3. Ըզմեղս իմ ցուցից քեզ Քրիստոս.
Որ բըծիշկդ ես հոգւոց և տէր կենաց.
Բըծըշկեա՛ւ և զիմ զհիւանդութիւնս.
Որ միայնդ ես բազմագութս:

*
* *

1. Ծով կենցաղոյս հանապազ զիս ալեկոծէ:
2. Մըրըրկեալ ալիք թշնամին ինձ յարուցա-
նէ:
3. Նաւապետ բարի՛ լեր անձին իմոյ ապա-
ւէն:

*
* *

1. Դարձո՛ւ զցասումըն քո ի մէնջ,
յաղաղակել հողեղինացս.
Բազմագութս, Տէ՛ր, խնայեա և մի՛ կորու-
սաներ:
2. Կանգնեա՛ զանկեալս ի գլորմանէ՛
Ըզվիրաւորեալս ի թըշնամւոյն.
Որ բըծիշկդ ես հիւանդաց՝
Բըծըշկեա զիմ զհիւանդութիւնս:
3. Ի յանցանաց իմոց թախծեալ անձն իմ,
գոչեմ որպէս ըզմաքսաւորն.
Աստուած, քաւեա՛ զիս ըզմեղաւորս:

* *

1. Յոյս իմ ես դու, Տէ՛ր, քառիշ լանցանաց իմոց.
Մի՛ անտես առնե՛ր գրողիսումն արտասուաց իմոց.

Ողորմեա՛, ինձ Աստուա՛ծ:

2. Առ քեզ ապառնեցայ որպէս զանառակ որդին.

Հա՛յր, մեղայ յերկինս և առաջի քո.

Ողորմեա՛, ինձ Աստուա՛ծ:

3. Փըրկեա՛ զիս, Աստուած, ի բազում մեղաց իմոց.

Արա՛ արժանի քոյին սուրբ արքայութեանդ.

Ողորմեա՛, ինձ Աստուա՛ծ:

* *

1. Մեղք իմ բազում են յոյժ, Ծանր են քան զառազ ծովու.
Քանզի քեզ միայնոյ մեղայ.
Ողորմեա՛, ինձ Աստուա՛ծ:
2. Բա՛ց, Տէ՛ր, ըզդուռն ողորմութեան՝
Որ ողբալով կարդամ առ քեզ.
Քանզի քեզ միայնոյ մեղայ
Ողորմեա՛, ինձ Աստուա՛ծ:
3. Հեղ յիս ըզգըթութիւնդ քո
Բազումողորմ և մարդասէր.
Քանզի քեզ միայնոյ մեղայ,
Ողորմեա՛, ինձ Աստուա՛ծ:

* *

1. Ողորմեա՛, ինձ Աստուա՛ծ՝
Զի քեզ միայնոյ մեղայ:
2. Առաւել լրա զիս ի տըղմոյ լանցանաց
Աղբիւր բըծըշկութեան.
Եւ ողորմեա՛:
3. Յարեմէ փըրկեա՛ զիս՝
Որ հոգոց և մարմնոց ունիս իշխանութիւն.
Եւ ողորմեա՛:

* *

1. Մաքսաւորն հառաչանօք ի տանարին էառ
ըզքաւութիւն.

- Նովին ձայնիւրն և ես գոչեմ՝
Ողորմեա՛, ինձ Աստուա՛ծ:
2. Առազակն աղաղակէր ի խաչին՝
Յիշեա՛, զիս Տէ՛ր,
Նովին ձայնիւրն և ես գոչեմ:
3. Անառակ որդին աղերսանօք աղաչէր
ըզքեզ.

Հայր, մեղայ յերկինս և առաջի քո.

Նովին ձայնիւրն և ես գոչեմ՝

Ողորմեա՛, ինձ Աստուա՛ծ:

* *

1. Համբառնամ առ քեզ, Տէ՛ր, զաչս իմ.
Նայեա՛ յիս գըթութեամբ քո և ողորմեա՛:
2. Դու ես յոյս և ապաւէն իմ.
Զերծո՛ զիս յորոգայթէ մեղաց և ողորմեա:
3. Ապրեցուցիշ իմ և փրկիշ իմ.
Ապրեցո՛ զիս յորոգայթէ մեղաց և ողորմեա:

* *

1. Անկանհիմ առաջի քո և խնդրեմ
Զթողութիւն լանցանաց իմոց.
Մի՛ անտես առնե՛ր, Հայր, զաղաչանս իմ:
2. Աղաղակեմ որպէս մաքսաւորն.
Եւ հեղում զարտասուս իմ առաջի քո որպէս պոռնիկն.
Մի՛ անտես առնե՛ր, Հա՛յր, զաղաչանս իմ:
3. Յաներևոյթ թշնամոյն պարտեցայ.
Եւ ի գաղտնի նետից բանասարկոյին վիրաւորեցայ.
Մի՛ անտես առնե՛ր, Հա՛յր, զաղաչանս իմ:

* *

1. Ալիք լանցանաց զիս ալեկոծեն.
Եւ մեղք իմ բազում զիս յանդիմանեն:
2. Արդ՝ զի՛նչ արարից մեղուցեալ անձամբս.
Ոչ եմ ապրելոց յահագին հըրոյն:
3. Մեղայ քեզ Քրիստոս Որդի Աստուծոյ.
Ծնորհեա՛ զթողութիւն բազում լանցանաց իմոց:

